

Izvještaj o radu Uprave policije MUP-a Kantona Sarajevo za mjesec mart 2019. godine

KRIMINALITET

OSNOVNI STATISTIČKI POKAZATELJI KRIMINALITETA

U mjesecu martu 2019. godine, na području Kantona Sarajevo registrovano je 321-no krivično djelo što je za 78 ili 19,5% manje u odnosu na isti mjesec prethodne godine.

Od ukupnog broja registrovanih krivičnih djela, 164 ili 51,1% izvršena su od strane poznatih, a 157 ili 48,9% od strane nepoznatih izvršilaca.

Za 72 djela ili 45,9% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 37 krivičnih djela iz izvještajnog, a 35 iz ranijeg perioda.

Iz naprijed navedenog proizilazi da su službenici Uprave policije MUP-a Kantona Sarajevo u mjesecu martu 2019. godine rasvijetlili ukupno 236 krivičnih djela ili 73,5% što je povećanje za 5,6%.

bog postojanja osnova sumnje da su počinili krivična djela prijavljeno je 226 lica (63 manje), od čega je 141 povratnik (21 manje) u izvršenju krivičnih djela (ili 62,4% od ukupnog broja prijavljenih lica), pet maloljetnika (pet manje), a 113 lica je lišeno slobode (isti broj).

U mjesecu martu 2019. godine u odnosu na isti mjesec prethodne godine, zabilježeno je značajno smanjenje broja registrovanih krivičnih djela i to za 78 ili 19,5%. Najznačajnije smanjenje zabilježeno je u oblastima protiv imovine (za 62 djela), zatim zdravlja ljudi (za 14), javnog reda i pravnog prometa (za devet), pravosuđa (za pet), sigurnosti javnog prometa (za četiri djela), itd., dok je povećanje evidentirano u oblastima protiv opće sigurnosti ljudi i imovine (za deset djela), života i tijela (za sedam), "privrede" (za dva), itd.

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom mjeseca marta 2019. godine u ovoj oblasti evidentirano je 18 krivičnih djela (sedam više u odnosu na mart 2018. godine) i to: teška tjelesna ozljeda – četiri (jedno više) i lahka tjelesna ozljeda – 14 djela (šest više).

Ukupno je rasvijetljeno 16 djela iz ove oblasti (ili 88,9%), a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 22 lica, od kojih je 11 povratnika u činjenju krivičnih djela (ili 50%), a pet je lišeno slobode.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 16 krivičnih djela (jedno manje) - ugrožavanje sigurnosti, za čije izvršenje je prijavljeno 17 lica od kojih je deset povratnika, a četiri su lišena slobode.

Krivična djela ugrožavanja sigurnosti počinjena su upućivanjem prijetnji, neposredno ili putem telefona, kao i pisanjem "sms" poruka prijetećeg sadržaja i sl. bez težih posljedica po oštećene.

KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 17 djela iz ove oblasti (tri manje) i to nasilje u porodici. Zbog postojanja osnova sumnje da su počinili ova djela prijavljeno je 17 lica, od čega je šest povratnika (ili 35,3%), a 15 je lišeno slobode.

KRIVIČNA DJELA PROTIV ZDRAVLJA LJUDI

Prijavljena su 54 krivična djela iz oblasti protiv zdravlja ljudi (14 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – pet,
- neovlašćena proizvodnja i stavljanje u promet opojnih droga u saučiniteljstvu (čl. 238. u vezi člana 31. KZFBiH) – jedno,
- posjedovanje i omogućavanje uživanja opojnih droga (čl. 239. KZ FBiH) – 48 djela.

Zbog postojanja osnova sumnje da su počinili navedena djela podneseni su službeni izvještaji protiv 60 lica, a 44 su lišena slobode.

Pregled oduzete količine opojnih droga u mjesecu martu 2019/18. godine

| VRSTA OPOJNE DROGE | mart 2019. godine | mart 2018. godine |
|--------------------------|-------------------|-------------------|
| Marihuana (u gramima) | 7265 | 82 |
| Marihuana (paketići) | 31 | 17 |
| Marihuana (joint) | 6 | 5 |
| Heroin (paketići) | --- | 4 |
| Amfetamin (u gramima) | 183 | --- |
| Amfetamin (paketići) | 15 | 20 |
| Ecstasy (tablete) | 8 | 34,5 |
| Cannabis (sjemenke) | --- | 100 |
| Cannabis (biljke) | --- | 1 |
| pribor sa ostacima droge | 15 | 12 |

KRIVIČNA DJELA PROTIV IMOVINE

U izvještajnom mjesecu, registrovano je 175 krivičnih djela protiv imovine, što je za 62 djela ili 26,2% manje u odnosu na uporedni mjesec. Među djelima iz ove oblasti najbrojnije su: teške krađe – 86 djela (34 manje), zatim krađe – 28 (12 manje), razbojništvo – 32 (12 manje), oštećenje tuđe stvari – 10 (dva manje), teška krađa u pokušaju – pet (isto), prijevara - pet (četiri manje), itd.

Za ukupno 99 ovih djela ili 56,6% identifikovan je osumnjičeni izvršilac što je za 9,3% više u odnosu na isti mjesec prethodne godine.

Kada su u pitanju teške krađe, prema objektu izvršenja najbrojniji su bili stambeni objekti - 48 puta (četiri manje u odnosu na mart prethodne godine), zatim motorna vozila (otuđenja pmv i “provale” u ista) - 20 slučaja (28 manje), poslovni prostori - 14 (četiri manje), itd.

Na području Kantona Sarajevo u mjesecu martu ove godine izvršeno je devet krivičnih djela teških krađa motornih vozila od čega je pet ili 55,6% pronađeno i vraćeno vlasnicima (Uprava policije MUP-a KS vratila je četiri vozila i vlasnici su pronašli – jedno vozilo).

Broj teških krađa motornih vozila u odnosu na uporedni mjesec, znatno je smanjen i to za 22 vozila ili 71%.

Prijavljeno je 28 krivičnih djela krađe (12 manje), koje su izvršene 11 puta u poslovnim prostorijama, četiri puta u vozila i na stajalištima GRAS-a, tri u stambene objekte, osam puta na ulici, itd. odakle su otuđivani novčanici, tehnička roba, alati, gorivo, prehrambeni proizvodi, bicikli, itd.

Evidentirano je pet krivičnih djela teških krađa na naročito opasan ili naročito drzak način (sedam manje) u kojima su izvršiocima, upotrebom fizičke snage – četiri puta, te verbalnom prijetnjom u jednom slučaju, otimali mobitele, tašne, novac i nakit. Sva ova djela izvršena su na ulici.

U mjesecu martu 2019. godine, registrovana su 32 krivična djela razbojništva (12 manje), od čega su za 12 djela ili 37,5% identifikovani osumnjičeni izvršiocima što je za 14,8% manja rasvijetljenost ovih djela u odnosu na uporedni mjesec.

Krivična djela razbojništva izvršena su prijetnjom upotrebe vatrenog oružja - 15 puta, prijetnjom upotrebe noža ili drugog oštrog predmeta – 13 i upotrebom fizičke snage – četiri puta, a počinjena su u prodavnicama – 12 puta, u sportskim kladionicama - sedam puta, na benzinskim pumpama - pet, na ulici - četiri, u apotekama - dva, u tramvaju i u pošti - po jedno. Otudivan je novac, mobiteli, jedno putničko-motorno vozilo, itd.

Za izvršenje krivičnih djela razbojništva nadležnom tužilaštvu podneseni su službeni izvještaji protiv 11 lica, od kojih je devet povratnika u činjenju krivičnih djela (ili 81,8%), a devet je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 15 djela (deset više) i to: izazivanje opće opasnosti - 13, nesavjesno čuvanje pasa i drugih opasnih životinja i izazivanje opće opasnosti u podstrekavanju - po jedno djelo, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv devet lica, od kojih je sedam povratnika u činjenju krivičnih djela (77,8%), a devet je lišeno slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je pet krivičnih djela (devet manje) i to: nasilničko ponašanje – tri, napad na službenu osobu u vršenju poslova sigurnosti i nedozvoljeno držanje oružja ili eksplozivnih materija – po jedno djelo.

Zbog postojanja osnova sumnje da su počinili navedena krivična djela, nadležnom tužilaštvu podneseni su službeni izvještaji protiv pet lica, od kojih su tri povratnika (60%), a dva su lišena slobode.

KRIVIČNA DJELA POČINJENA OD STRANE MALOLJETNIH LICA

U toku mjeseca marta 2019. godine, policijski službenici su nadležnom tužilaštvu podnijeli službeni izvještaj protiv pet maloljetnih lica zbog postojanja osnova sumnje da su izvršili pet krivičnih djela. U odnosu na isti mjesec 2018. godine, broj maloljetnih učinilaca krivičnih djela smanjen je za pet (ili 50%), a broj krivičnih djela za koja su prijavljeni maloljetnici smanjen je za 15 (ili 75%).

Prijavljeni maloljetnici su u dobi između 16 i 18 godina. Jedan maloljetni izvršilac je povratnik u izvršenju krivičnih djela.

Struktura krivičnih djela izvršenih od strane maloljetnih lica u martu 2019/2018. godine

| KRIVIČNA DJELA | mart 2019. | mart 2018. | + - % |
|------------------------|------------|------------|-------------|
| Teška tjelesna ozljeda | 1 | --- | +1 |
| Lahka tjelesna ozljeda | --- | 2 | -2 |
| Razbojništvo | 1 | 1 | isti broj |
| Teška krađa | --- | 14 | -14 |
| Teška krađa u pokušaju | 1 | --- | +1 |
| Utaja | 1 | --- | +1 |
| Nasilničko ponašanje | 1 | 3 | -2 |
| UKUPNO | 5 | 20 | -15 ili 75% |

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca marta 2019. godine na području Kantona Sarajevo nije bilo registrovanih aktiviranja minsko-eksplozivnih sredstava (kao i u martu 2018. godine).

Evidentirano je pet anonimnih dojava o postavljenoj eksplozivnoj napravi (u istom mjesecu 2018. godine 23), a odnosile su se na srednje škole. Nakon KDZ pregleda utvrđeno je da su dojave bile lažne. Preduzimaju se aktivnosti na rasvjetljavanju ovih slučajeva i pronalaženju učinilaca.

1.4.2. POŽARI

Tokom mjeseca marta 2019. godine, na području Kantona Sarajevo registrovana su 24 požara (16 manje u odnosu na isti mjesec prethodne godine), koji su za posljedicu imali materijalnu štetu.

Prema statističkim pokazateljima, devet požara je izazvano namjerno, šest nehatom, pet zbog tehničkih nedostataka, dok uzroci četiri požara spadaju u kategoriju ostalih.

SAMOUBISTVA

U mjesecu martu 2019. godine na području Kantona Sarajevo registrovana su četiri samoubistva (dva više), koja su izvršena: upotrebom vatrenog oružja – dva puta, upotrebom oštrog predmeta i skokom sa visine – po jednom. Izvršiocu su: tri osobe muškog spola u dobi preko 50 godina i jedna osoba ženskog spola starosti 40 godina.

JAVNI RED I MIR

U toku mjeseca marta 2019. godine u oblasti protiv javnog reda i mira registrovano je 370 prekršaja (naloga - 294, zahtjeva za pokretanje prekršajnog postupka - 76), što u odnosu na mjesec mart 2018. godine predstavlja povećanje za 66 ili 21,7%. Za izvršenje navedenih prekršaja prijavljeno je 385 lica (61 ili 18,8% više).

Na prekršaje utvrđene Zakonom o prekršajima protiv javnog reda i mira odnosi se 316 prekršaja (ili 85,4%), a na prekršaje koji su utvrđeni Odlukom općinskih vijeća o javnom redu i miru 54 ili 14,5%.

Od ukupnog broja prijavljenih lica, 58 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su u dobi preko 36 godina (243), između 26 i 35 godina (89), između 19 i 25 godina (52) i do 18 godina jedno lice.

Prilikom narušavanja javnog reda i mira u mjesecu martu 2019. godine, nije bilo teže povrijeđenih lica (kao ni u istom mjesecu 2018. godine), dok je sedam lica (jedno više) lakše povrijeđeno.

Tabelarni pregled strukture prekršaja iz oblasti javnog reda i mira za mart 2019/2018. godine

| PREKRŠAJI IZ ZAKONA O JRIM: | mart 2019. | mart 2018. | + - % |
|---|------------|------------|---------------|
| <i>-Tuče</i> | 19 | 33 | -14 ili 42,4% |
| <i>-Naročito drsko ponašanje</i> | 29 | 26 | +3 ili 11,5% |
| <i>-Odbijanje naređenja i omalovaž. pol. služb.</i> | 31 | 31 | isti broj |
| <i>-Prosjačenje</i> | 190 | 140 | +50 ili 3,6% |
| <i>-Svađa, vika, nepristojno ponašanje</i> | 8 | 8 | isti broj |
| <i>-Ostali prekršaji iz Zakona o JRiM</i> | 39 | 32 | +7 ili 21,9% |
| Prekršaji prema Odluci općinskog vijeća o JRiM | 54 | 34 | +20 ili 58,8% |
| Ukupno | 370 | 304 | +66 ili 21,7% |

Prema vrsti prekršaja, najbrojniji su sljedeći prekršaji: prosjačenje (190 ili 51,3% od ukupnog broja), zatim odbijanje naređenja i omalovažavanje policijskih službenika (31 ili 8,4%), naročito drsko ponašanje (29 ili 7,8%), tuče (19 ili 5,1%). Znatno manje prekršaja izvršeno je svađom, vikom i nepristojnim ponašanjem (osam), dok je ostalih prekršaja bilo 39, a 54 prekršaja odnose se na prekršaje koji su regulisani Odlukom općinskih vijeća.

U odnosu na isti mjesec 2018. godine smanjen je broj prekršaja učinjenih tučom, a broj prekršaja učinjenih odbijanjem naređenja i omalovažavanje policijskih službenika kao i svađom, vikom, nepristojnim ponašanjem ostao je isti, dok je broj svih ostalih prekršaja povećan.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (336 ili 90,8%), a znatno manje u ugostiteljskim objektima (11 ili 3%), sportskim stadionima i dvoranama (tri), školama i školskim dvorištima (dva), trgovinama i zanatskim radnjama (jedan), a na ostalim mjestima 17 prekršaja.

Tabelarni pregled mjesta činjena prekršaja za mjesec mart 2019/2018. godina

| MJESTO IZVRŠENJA | mart 2019. | mart 2018. | + - % |
|---------------------------------|------------|------------|---------------|
| Ugostiteljski objekti | 11 | 11 | isti broj |
| Ulice i drugi otvoreni prostori | 336 | 273 | +63 ili 23,1% |
| Vozila javnog saobraćaja | 0 | 2 | -2 |
| Sportski stadioni i dvorane | 3 | 0 | +3 |
| Škole i školska dvorišta | 2 | 2 | isti broj |
| Trgovine i zanatske radnje | 1 | 2 | -1 |
| Ostala mjesta | 17 | 14 | +3 ili 21,4% |
| UKUPNO | 370 | 304 | +66 ili 21,7% |

U poređenju sa mjesecom martom 2018. godine, smanjen je broj prekršaja evidentiranih u vozilima javnog saobraćaja i u trgovinskim i zanatskim radnjama, dok je broj prekršaja u ugostiteljskim objektima, školama i školskim dvorištima ostao isti, a na ulicama i drugim otvorenim prostorima, sportskim stadionima i dvoranama i ostalim mjestima taj broj je povećan.

Na području Kantona Sarajevo u mjesecu martu 2019. godine održan je 271 javni skup (20 ili 8% više u odnosu na mart 2018. godine). Policijski službenici Uprave policije su proveli planske aktivnosti za održavanje javnih skupova, koji su protekli bezbjedno, a u 40 slučajeva izvršeno je KDZ osiguranje.

3. SAOBRAĆAJ

Na području Kantona Sarajevo u mjesecu martu 2019. godine u odnosu na isti mjesec prethodne godine smanjen je ukupan broj saobraćajnih nezgoda, broj nezgoda sa materijalnom štetom i broj poginulih lica, dok je povećan broj nezgoda sa nastradalim licima i broj povrijeđenih lica.

Registровано je 713 saobraćajnih nezgoda (68 ili 8,7 % manje u odnosu na mart prethodne godine), od čega je 645 sa materijalnom štetom (91 ili 12,4 % manje) i 68 sa nastradalim licima (23 ili 51,1 % više). U navedenim nezgodama dva lica su poginula (jedno ili 33,3 % manje), a 75 je povrijeđeno (20 ili 36,4 % više), od čega 17 teže i 58 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC MART 2019./18. GODINE

| | mart 2019. | mart 2018. | + , - , % |
|--|------------|------------|-----------------|
| UKUPNO SAOBRAĆAJNIH NEZGODA | 713 | 781 | - 68 ili 8,7 % |
| Saobraćajne nezgode sa nastradalim licima | 68 | 45 | + 23 ili 51,1 % |
| Saobraćajne nezgode sa materijalnom štetom | 645 | 736 | - 91 ili 12,4 % |
| POGINULO LICA | 2 | 3 | - 1 ili 33,3 % |
| - vozači | 2 | 2 | isto |
| -putnici | 0 | 0 | ----- |
| - pješaci | 0 | 1 | - 1 |
| POVRIJEĐENO LICA | 75 | 55 | + 20 ili 36,4 % |
| - vozači | 45 | 20 | + 25 ili 125 % |
| - putnici | 13 | 19 | - 6 ili 31,6 % |
| - pješaci | 17 | 16 | + 1 ili 6,2 % |

U naselju je registrovano 649 saobraćajnih nezgoda (jedna sa poginulim, 58 sa povrijeđenim licima i 590 sa materijalnom štetom), van naselja 64 nezgode (jedna sa poginulim, osam sa povrijeđenim licima i 55 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU MARTU 2019 (U NASELJU I VAN NASELJA)

| SAOBRAĆAJNE NEZGODE | SA NASTRADALIM LICIMA | | | SA MATERIJALNOM ŠTETOM | UKUPNO | POSLJEDICE | | |
|------------------------|---------------------------|------------------------|-----------|------------------------------|------------|------------------------|-----------------------------------|------------------------------------|
| | sa poginulim licima | sa povrijeđenim licima | | | | broj poginulih lica | broj teže povrijeđenih lica | broj lakše povrijeđenih lica |
| | | teže | lakše | | | | | |
| u naselju | 1 | 16 | 42 | 590 | 649 | 1 | 16 | 50 |
| van naselja | 1 | 1 | 7 | 55 | 64 | 1 | 1 | 8 |
| UKUPNO | 2 | 17 | 49 | 645 | 713 | 2 | 17 | 58 |

Prema kategoriji puta, najveći broj saobraćajnih nezgoda registrovan je:

- na ulicama u naselju – 349 nezgoda (38 lica povrijeđeno, 13 teže i 25 lakše),
- na magistralnim putevima – 116 (17 lica povrijeđeno, tri teže i 14 lakše),
- na regionalnim putevima – 76 (šest lica lakše povrijeđeno),
- na lokalnim putevima – 36 nezgoda u kojima je šest lica nastradalo (dva lica poginula, četiri povrijeđena, jedno teže i tri lakše)

- na putevima koji se ubrajaju u kategoriju ostalih – 136 saobraćajnih nezgoda (10 lica lakše povrijeđeno) .

POSLEDICE SAOBRAĆAJNIH NEZGODA

Tokom mjeseca marta 2019. godine, u saobraćajnim nezgodama na području Kantona Sarajevo nastradalo je ukupno 77 lica (19 ili 32,7 % više). Dva lica su poginula ¹ (jedno ili 33,3 % manje), dok je 75 lica povrijeđeno (20 ili 36,4 % više), od čega 17 teže (10 više) i 58 lakše (10 više).

UPOREDNI POKAZATELJI NASTRADALIH LICA (POGINULI I POVRIJEĐENI)
MART 2019/18. GODINE

| učesnici u saobraćaju | mart 2019. godine | mart 2018. godine | uporedba | |
|-----------------------|-------------------|-------------------|----------|-----------|
| | | | +/- | % |
| vozači | 47 | 22 | + 25 | + 113,6 % |
| putnici | 13 | 19 | - 6 | - 31,6 % |
| pješaci | 17 | 17 | isto | ----- |
| UKUPNO | 77 | 58 | + 19 | + 32,7 % |

STEPEN POVREDA UČESNIKA U SAOBRAĆAJNIM NEZGODAMA

- Vozači :
45 vozača povrijeđeno (pet teže, 40 lakše)
- Putnici:
13 putnika povrijeđeno (jedan teže, 12 lakše)
- Pješaci:
17 pješaka povrijeđeno (11 teže, šest lakše)

Starosna struktura nastradalih lica u saobraćajnim nezgodama je slijedeća:

- Ispod šest godina – jedno lice,
- od 18 do 30 godina - 24,
- od 31 do 40 godina – 17,
- od 41 do 50 godina – 12,
- od 51 do 65 godine –osam lica, itd.
-

Starosna struktura nastradalih vozača u saobraćajnim nezgodama je slijedeća:

- od 18 do 23 godine – sedam lica,
- od 23 do 30 godina – 10,
- od 30 do 40 godina –11,
- od 40 do 50 godina –sedam,
- od 50 do 60 godina – šest lica, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 605 (jedno lice poginulo, 56 lica povrijeđeno, 12 teže i 44 lakše),

- neprilagođena brzina – 95 (jedno lice poginulo, 16 lica povrijeđeno, pet teže i 11 lakše),
- uticaj alkohola – 10 (jedno lice lakše povrijeđeno),
- klizav put – tri (dva lica lakše povrijeđena).

U mjesecu martu ove godine evidentirano je osam saobraćajnih nezgoda (jedna manje), u kojima su učestvovali pripadnici MUP- a Kantona Sarajevo. U navedenim saobraćajnim nezgodama nije bilo nastradalih lica.

Evidentirano je 14 saobraćajnih nezgoda (10 manje) u kojima su učestvovali inostrani vozači i dvije nezgode (jedna manje) u kojima su učestvovala vozila OSCE-a i diplomatskog kora (bez nastradalih lica).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca marta 2019. godine, policijski službenici Uprave policije MUP-a Kantona Sarajevo kontrolisali su:

- 19.315 vozila (629 manje),
- 5.570 lica u vozilima (896 više),
- 211 vozila pregledali (28 više),
- 219 lica u tim vozilima (12 manje).

Zbog tehničke neispravnosti iz saobraćaja je isključeno 51 vozilo (30 više), 360 vozača je zatečeno da upravljaju vozilom pod dejstvom alkohola (92 više), 252 bez korištenja sigurnosnog pojasa (81 manje), 170 bez položenog vozačkog ispita (98 više), 55 pod izrečenom zaštitnom mjerom (sedam više), 286 vozača je zatečeno da koriste mobitel tokom vožnje (226 manje) i 570 vozila je učestvovalo u saobraćaju bez važeće registracije (453 više).

Zbog kršenja propisa iz oblasti sigurnosti saobraćaja uručeno je 19.216 prekršajnih naloga vozačima (4.059 ili 26,8 % više u odnosu na mart prošle godine) i podnesena 22 zahtjeva za pokretanje prekršajnog postupka (tri ili 12 % manje).

MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca marta 2019. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručena su 7.384 prekršajna naloga (22 manje), upozoreno je 327 vozača (248 manje), a specijalnim vozilom "pauk" premješteno je 176 vozila (171 manje).

Takođe, pješacima koji su kršili propise uručena su 263 prekršajna naloga (80 više), a upozorena su 52 pješaka (51 manje).

4. ZAKONITOST U RADU

Tokom mjeseca marta 2019. godine, registrovan je jedan napad na policijskog službenika Jedinice za saobraćaj (u istom mjesecu prošle godine nije bilo registrovanih napada). Napad je izvršen od strane jednog punoljetnog lica uz upotrebu fizičke snage.

Tokom mjeseca marta tekuće godine registrovana su četiri slučaja (dva više) opravdane upotrebe sile. Tokom mjeseca marta 2019. godine, razmatrana je 31 predstavka na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za osam predstavki (šest manje) provede unutrašnja istraga. Za osam predstavki je zaključeno da su neosnovane, za šest da se izvrše provjere i prikupi dokumentacija, za tri o nenadležnosti, za tri da se

prosljede nadležnoj policijskoj upravi, u jednom slučaju predstavka je proslijeđena Sektoru kriminalističke policije, u jednom slučaju spis je zastario, a u jednom arhiviran.

Od ukupno 31 razmatrane predstavke, 29 je podneseno od strane građana, dok dvije predstavke predstavljaju saznanja iz službe.

Okončano je 14 unutrašnjih istraga, među kojima je osam neosnovanih, dvije su osnovane, u dva slučaja istraga je obustavljena, u jednom slučaju je bila bez dovoljno dokaza, dok je jedna istraga okončana ocjenom oslobađajuća.

5. RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom mjeseca marta ove godine nastavili sa preduzimanjem brojnih aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana, nevladinim organizacijama, itd.

Obavljajući redovne aktivnosti službenici policije su vršili obilaske mjesnih zajednica, obrazovnih institucija, dječijih vrtića, zatim ostvarivali kontakte sa socijalnim radnicima, građanima, vjerskim službenicima u cilju preduzimanja zajedničkih aktivnosti na osiguranju vjerskih objekata, kao i sa organizatorima sportskih, kulturnih i drugih manifestacija sa ciljem što efikasnijeg osiguranja istih.

Između ostalog, preduzimane su sljedeće aktivnosti:

- Nastavljene su aktivnosti na realizacije projekta "Jačanja tužilačkih kapaciteta u sistemu krivičnog pravosuđa u BiH"; tako da su održana predavanja pod nazivom "Lopov bude uvijek otkriven" u školama na području općina Centar i Novo Sarajevo u cilju prevencije vršenja krivičnih djela krađe i "džepne krađe". Navedene radionice se realizuju za učenike VI- tih razreda u 71-noj Osnovnoj školi,
- Nastavljena je realizacija kampanje "Uklanjanje grafita" na platou ispred BBI centra, ulica Trg djece Sarajeva, u organizaciji ICITAP-a, ambasade SAD-e i Gradske uprave Grada Sarajeva,
- U mjesecu martu, na području općine Ilijaš, održana je manifestacija "Vrijedimo li što" sa temom "Iskustva žena zaposlenih u sigurnosnim agencijama u BiH",
- Održane su edukativne radionice na temu "Prevencija zloupotrebe narkotičkih sredstva" za učenike drugih razreda JU "Srednja elektrotehnička škola",
- Održane su edukativne radionice na temu "Prevencija maloljetničkog prijestupništva i kultura ponašanja u saobraćaju i na javnom mjestu" za učenike JU "Srednja mašinska-tehnička škola".

Sarajevo, 11.04.2019.godine

Odjeljenje za odnose s javnošću